

समे & 12:25 hrs.

<><><><><><>

PM-XI-Jinping

प्रधानमंत्री नरेंद्र मोदी होर अज्ज रूस दे कजान च ब्रिक्स शिखर सम्मेलन सवां बक्खरे होइऐ चीन दे राष्ट्रपति शी जिनपिंग हुंदे कन्नै दपक्खी गल्लबात करडन। दौनें मुख्यें बश्कार असल नियंत्रण रेखा कोल गश्त करने सरबन्धी समझौते तोड़ी पुज्जने दी पछौक्कड़ च इस मीटिंग गी बड़ा महत्वै आहला मन्नेआ जा करदा ऐ। प्रधानमंत्री मोदी ते चीन दे राष्ट्रपति हुंदे बश्कार पिछले 5 बरें च एह पैहली विधिवत मीटिंग ऐ। मोदी होरें रूस ते ईरान दे राष्ट्रपति कन्नै बी दपक्खी मीटिंगा लाइयां जेदे च उनें मसलें दा अमन-शांति कन्नै हल कङ्ने दी जरूरत पर जोर पाया। उनें आखेआ जे युद्ध कन्ने मसलें दा नबेड़ा नेई हुंदा। श्री पुतिन हुंदे कन्नै मीटिंग दौरान श्री मोदी होरें जोर देइयै आखेआ जे भारत रूस-युक्रेन संघर्ष दा अमन-शांति कन्नै हल कङ्ने च मदाद करने लेई तैयार ऐ।

<><><><><><>

LG-Assembly Session

उपराज्यपाल मनोज सिन्हा होरें 4 नवंबर गी श्रीनगर च विधानसभादा इजलास सददेआ ऐ। जम्मू-कश्मीर विधानसभा दे नमें चुने गेदे सदस्यें गी सोमवारें प्रो-टेम स्पीकर मुबारक गुल होरें संगंध चुकाई ही। राजभवन प्रवक्ता होरें दस्सेआ जे उपराज्यपाल मनोज सिन्हा होरें जम्मू-

कश्मीर पुनर्गठन कनून 2019 दी दफा 18 ते 19 तैहत उनेंगी दिते गेदे अधिकारें दा इस्तेमाल करदे होई सोमवारें 4 नवंबर गी बङ्गलै साङ्ठे 11 बजे जम्मू-कश्मीर विधानसभा दा इजलास सददेआ ऐ। उपराज्यपाल होर विधानसभा गी संबोधित करडन। विधानसभा च कम्मकाज दी प्रक्रिया ते संचालन दे नियमें तैहत दिते गेदे अधिकारें दा इस्तेमाल करदे होई सिन्हा होरें स्पीकर दे चुनां लेई तरीक बी 4 नवंबर गै तय कीती ऐ।

<><><><><><>

JK Cabinet Darbar Move

उमर अब्दुल्ला हुंदी अगुवाई आहले मंत्रीमंल च मंत्री सतीश शर्मा होरें कल आखेआ ऐ जे सरकार दरबार मूव आहली रिवायत गी परतिए ब्हाल करने बारै विचार करा'रदी ऐ कीजे इसी खत्म करने कन्नै जम्मू च बपार कारोबार पर माड़ा असर पेआ ऐ। उनें आखेआ जे जम्मू गी दरबार मूव दी लोड़ ऐ कीजे एहदे नै जम्मू दा कारोबार बुरी चाल्ली प्रभावत होआ ऐ। जम्मू-कश्मीर साइंस कांग्रेस-2024 दे समापन समारोह दे बाहरें पत्रकारें कन्ने गल्ल करदे होई मंत्री होरें एह घोषणा बी कीती जे लोकें दी मंग पर म्हीने-म्हीने राशन दा कोटा बी बढ़ाया जाग ते बल्लें-बल्लें बढ़ांधे होई इसी दूना करी दित्ता जाग। उनें लोकें गी यकीन दोआया जे सरकार उंदिएं आसैं-मेदें ते जरूरतें मूजब कम्म करदे होई पिछले इक दहाके थमां बकाया पेदे मसलें गी नबेड़ने दी पूरी कोश्ट करोग।

<><><><><><>

Army-Chief-LAC Ladakh

सेनाध्यक्ष जनरल उपेंद्र द्विवेदी होरें आखेआ ऐ जे भारत पूर्वी लद्दाख च चीन कन्ने लगदी असल कब्जा रेखा पर अप्रैल 2020 आहली यथास्थिति बहाल होई जाने दे बाद फौजां पिच्छे हटाने दी स्थिति गी दिक्खोग। उंदा एह बयान कल भारत आस्सेआ एह घोषणा कीते जाने दे बाद आया ऐ जे दवै मुख्य अस्सल कब्जा रेखा पर फौज पिच्छे हटाने ते इलाके च बारी-बारी गश्त लाने दी पैहले आहली स्थिति बहाल करने पर राजी होई गेन। एहदे पर पैहली प्रतिक्रिया दिंदे होई जनरल द्विवेदी होरें आखेआ हा जे भारतीय फौज मुख ध्यान विश्वास बहाली पर देआ करदी ऐ ते दौनें धड़ें गी इक दुए गी इस भेठा यकीन दहानी करनी होग। एहदे शा पैहले जियां जे पैहले बी खबर दिती जाई चुकी दी ऐ जे विदेश सचिव विक्रम मिसरी होरें घोषणा कीती ही जे भारत ते चीन पूर्वी लद्दाख च असल कब्जा रेखा पर 4 बरे पराना गतिरोध खत्म करने ते पैहले आहली यथास्थिति बहाल करने पर राजी होई गेन।

<><><><><><>

Kartarpur-Corridor

भारत ते पाकिस्तान श्री कारतारपुर साहिब गलियारे बारे समझौते दी अवधि गी 5 बरे होर अगड़ा बदाने लेई सहमत होई गेन। 24 अक्टूबर 2019 गी इस समझौते पर दस्तखत कीते गे हे। एहदे च भारत दे श्रद्धालुएं लेई करतारपुर साहिब गलियारे राएं पाकिस्तान दे नारोवाल च गुरुद्वारा दरबार साहिब करतारपुर जाने दा सरिस्ता कीता गेदा ऐ। इस समझौते दी वैद्यता दी अवधि 5 बरे ही। विदेश मंत्री ाँ. एस. जयशंकर होरें इक्क सोशल मीडिया पोस्ट च आखेआ जे नरेंद्र मोदी हुंदी सरकार मुखे दे सिख समुदाय गी उंदी पवित्र थाहें तोड़ी पुज्जत बनाने दी स्थूलत पजाने दा कम्म लगातार जारी रक्खोग।

<><><><><><>

Jammu Pooja-Holiday

स्कूली शिक्षा निदेशालय जम्मू आसेआ जारी इक हुकमै मूजब जम्मू संभाग दे हायर सेकेंद्री तोड़ी दे सब्बै प्राइवेट ते सरकारी स्कूल देआली दी छुट्टिएं लेई 29 अक्टूबर कोला लेइए 2 नवंबर 2024 तोड़ी बंद रौहडन। एह छुट्टियां हर बरे देअयाली ते टिकके दे ध्यार गी ध्यानै च रखदे होई दितियां जंदियां न जेहिड़ियां सयाले दिएं छुट्टिएं कोला बक्खरियां होंदियां न।

<><><><><><>

2026-Common-Wealth Games

2026 च आयोजित होने आहले राश्ट्रमंल खेड्डें दे आयोजकें, हॉकी, बैमिंटन, रेस्लिंग, क्रिकेट, स्कवैश जनेई खेड्डें गी प्रतियोगिता थ्वां हटाने दा फैसला लैता ऐ। आयोजकें जे राश्ट्रमंल खेड्डें दे अगले संस्करण च छड़ियां 10 खेड्डां शामिल कीतियां जाडन। 23मीं राश्ट्रमंल खेड्डां 2026 च 23 जुलाई थ्वां 2 अगस्त बश्कार स्कॉटलैं दे Glasgow च आयोजित होडन। इंदे च भारत सने 74 राश्ट्रमंल मुल्खें दे तकरीबन 3 जहार खारी हिस्सा लैडन।

<><><><><><>

JK-Weather-Update

मौसम विभाग नै औंदे 24 घंटें दौरान कश्मीर घाटी दिएं उप्परलिएं धारें पर हल्की बरखा जां बर्फबारी दी पेशनगोई कीती ऐ। आकाशवाणी दे जम्मू संवाददाता नै मौसम विभाग दे हवाले कन्ने जानकारी दिती ऐ जे जिगड़े इलाकें च मौसम आम तौरा पर खुश्क रौहने दी गै तवक्को

ऐ। एहदे मगरा 25 अक्टूबर गी पच्छमी ब्हाएं च दबाऽ बनने दे असार दे चलदे उत्तरी ते मध्य कश्मीर च शामी'लै हल्की बरखा जां बर्फबारी बी होई सकदी ऐ। मैहकमे दा आखना ऐ जे इस सयाले तापमान मामूली कोला बद्दे गै रौहने दे असार न।

<><><><><><>